

ALIMUÑWI MWAHAL'A BABA LULE

 Ni itumezi, Muzwale. Ni itumezi, Muzwale Shakarian.

Mi muzuhile, balikani. Kaniti kihande kuba mo mwa Los Angeles hape kakusasana cwana, kusikaba kale mukopano tuna wo, ni mikopano yeñwi yetatama mwa sunda mo kwani kwa Embassy Hotel. Ni libelela ku mi bona kaufela mina kwani. Mi kamukana luna lu mwatas'a tibelelo yetuna kukopana ni Mulena luna Jesu, ku Mubona kulo kwani. U sepisize kuli ukaba cwalo, "kaufela ko kuna ni bababeli kamba babalalu babakopani hamoho," Ukaba teni.

² Mi Ni ziba kuli Ni Mu katani kakusasana cwana hane Ni taha fa mapahamelو kukena mwa muyaho woo, kanti batu kaufela ni litibelelo zetuna, banze ba libelezi mukushuko ni kutazo. Mi kihande kukopana mo ni mina, ni kwa sicaba se si teeleeza kwa silimba. Kuna ni babañata hahulu mwahali mo, ki ba... Ne ni na ni kutuluka mwa sibaka sa fafasi, ku yo ikambota ku babalikani. Ni kubona likupo zeñata luli, butuku bwa pilu, ni matuku ashutana a mibili yabona, mi luteni mo cwale kuli lu lapelele bakuli ni baba imezwi.

³ Ha ne Ni fitile fela fahalimu a mapahamelو... Ni talima muunamuhulu cwale. Na tile ku na, mi ali, "Muzwale Branham, myaha ya kwa mulaho..." Na bulezi kuli ukatazwa ki pilu hahulu kuli u... ne ba hupula kuli uka shwa. Mi na mu lapelela, mi sishemo sa Mulimu sa mu folisa. Mi ki yo fa kakusasana cwana, mwa lilimo ze eite za hae za kupepwa, inza nyakalala fela. Kacwalo seo si lutusa fela kuba ni sepo yenca.

⁴ Mi cwale Ni kupa litapelo za sicaba mwa sibaka sa bateelezi ba fa silimba, hamoho cwalo ni kwanu. Ni ma no zwa mwa mukopano woo, Ni ya kwa Europe, ni yo shetumuka kwa Africa ni kupotoloha, mwa mikopano. Mi taba ye itahile ka pono, konakuli ku ka yo ba mukopano omutuna kwani, Na kolwa cwalo. Mi Ni utwile mwahala lilimo kuli Mulena ubata kuli ni kute kwanu. Mwa bulumiwa bo bunyinyani, bo bu ishuwile bo Ani file, Ha ni sepi kuli Sa li bukaufi ni kufeza cwale, kulo kwani. Kubonahala kuli kwa kona kuba moyo omuñwi o Ni kona kuswasa mwa kanyandi ka Evangelii, kona ka Ni file kuli ni yambe batu, ka nzila ya foliso ya Bumulimu, ya kulapelela bakuli. Mi kaniti ni kupa litapelo zamina, bubeli bwa mina sicaba kwanu hamoho cwalo ni ba kwande kwa silimba.

⁵ Hanina nako yeñata ni ka nga fela palo ni kukutaza, zeo Ni kulubela kueza cwalo kasamulaho wa mizuzu yelikani mo mwa—mo mwa... muyaho wo, kono fela ni ka ambola ku—ku mina fa nako yelikani fela, lu zibane. Mi kwa sicaba sesili kwande koo, Ni ka lapelela babali kwande koo, ona fa cwana, ni mina babali

mwahali mo hape. Mi Ni tabile hahulu ku kopana ni balikani babanca ba kaufela bo Ni si ka katana kale fateni, be ni katani fela ona kakusasana cwana.

⁶ Lu bile ni nako yende luli mwa lisebelezo mwa libaka zeñwi. Ha ni za fumananga nako yakuba kwande cwale, kaufela ki kunateha luli. Lusweli fela kucisa mukwakwa mwahala Jeffersonville, Indiana ni Tucson, Arizona, ko lututezi kwani myaha nyana fela yefitile, ka pono ya Mulena, kona ye ne lu isize kwani, hape, kusina kuziba ko Ne ni ya. Mi buñata bwa mina kwanu, kwa Clifton, ne Ni ambozi ni mina nako nyana Ni si ka ya kale, mi neli kwa mukopano mwa Phoenix, ka za pono yekile yataha. Ne ni boni Mangeloi a sebene mwa mundandwe.

⁷ Mi Na ziba, kwa sicaba sa kwande kwa silimba, mwendi buñata bwa mina ha mu ba Evangedli yetezi, m taba ye ikona kubonahala kuba ya buenyi kuli ku mina. Kanti, mane neikaba cwalo ni kuna, kono kuna ni... Mutu kaufela yakona kutatulula sika, hamulukeli ku si amuhela ka tumelo. Ki lika ze lu sa koni kutatulula, kona ze luna ni kuamuhela ka tumelo. Halukoni kutatulula Mulimu. Hakuna mutu yakona kutatulula Mulimu. Yena u ipitezi, mi ki Yomutuna mi yamata. Luna—luna ni ku li amuhela fela kakuli luziba kuli U teni. Mi cwale ka tumelo, ka ku li amuhela, U kutisa kalabo ku luna, kolobezo ya Moya o Kenile.

⁸ Zona, ze Ni ka mi bulelela kazona, mwa nako yelikani fela fa, kaza nzila ya “Mulimu,” kamba, “sibaka sa kulapelela.” Mi sibaka fela sinosi ko mukona ku Mu lapela, sibaka fela sinosi ko Akona ku mi katana, bana ni... Kuna ni Keleke iliñwi, sibaka silisiñwi, nako iliñwi, sicaba silisiñwi, teñi koo Mulimu akopanelo. Mi Ni lapela kuli Mulena afuyole Liñusa kwa lipilu zamina faa.

⁹ Cwale, ka kutaha kwa Tucson, neli nto yenca, lipono zani libulelanga ku mina ka Libizo la Mulena. Hakuna neba alimuñwi wabona kuya ka mo Ni hupulela, yakona kubuza ufi wabona kaufela ya hupila ka nako ifi kaufela, fo Akile abulela sika kaufela kwande asesili Niti. Za ezahalanga kuya fela ka Mwa li bulelelanga kuli liezahale.

¹⁰ Mi U lukela kuba cwalo, kuya ka Mañolo, kukutela ku luna mwa mazazi a mafelelezo aa, mwa bulumiwa bo bucwana boo. Zeo li kaba kasamulaho wa kolobezo ya Moya o Kenile, ni kubulela ka malimi, ni foliso ya Bumulimu, ni zeñwi cwalo, litaba zeo. Kukwahela kwa liñusa la Pentekota kona ze lu ambola fateni kacenu. Bulumiwa bwa Kreste yena Kasibili ha bu likanyiswa mwa sicaba sa Hae, ka lika zeswana luli za Na ezize ha Na li fa lifasi fa; mwa Mubili wa Hae, Munyaliwa, yali yena siemba sa Hae, yaeza lika zeswana, siba Muuna ni Musala hae, kamba Mulena ni Mufumahali wa hae, ku si ka ba kale mukiti wa Linyalo.

¹¹ Sunda ye, haiba Mulena alata, Ni tabela kubulela fa taba yeo, kwande mwa sikundi kwanu, kwani kwa—kwa Embassy Hotel, ni kuba ya itwaeza ka nzila ye ishuwile mwa kuezeza. Ki—ki nako ni hola yelupila kubona, haiba mutu ha zibi nzila ya kuya ka yona, sa kueza ni kwa ku sikuluhela, ha—ha u zamayi ka tumelo foo cwale; usweli fela kuakaleza, usweli fela kunuha. Mi *kuakaleza* ki ku—ku “eza sika kusina tumelelo yeswanel.” Kacwalo haiba haluna bundume bwa niti bwa kuziba seo Mulimu abulezi kuli si ka nga sibaka mwa nako ye, kana luka talimana cwani ni hola yee? Mi lu lukela ku libana ni zona, ka kuziba, ka tumelo mwa Linzwi la Hae, lika ze swanelia kuezahala cwale, ni buino ya linaha, buino bwa sicaba, buino bwa keleke, ni zeñwi cwalo.

¹² Lu lukela kuziba cwalo, ni mwa kuzamaela ku libana ni zona. Haiba ha u zibi mwa kuezeza zeo, usweli fela—fela ze ne lubizanga kuli, mufuta o cwalo, sipundumukela; kutulela fela mwateni, kusepa kuli sikaba fa, kusepa kuli *se* ni kusepa *sani*, ni kuli “kana si kaba sona njí?” Kono Mulimu halati kuli lueze cwalo. U bata kuli luzibe Sa bulezí ka lizazi le, mi ni ku kopana ni sona ka tumelo, kakuli Na bulezí kuli si ka ba ona cwalo. Mi lu—lu ziba kuli kiwena Niti cwale, kakuli hausa linzwi la mutu fela ka zona; una ni Linzwi la Hae ka se lu lukela kueza. Mi lu sepa kuli Ndata luna yakwa Lihalimu uka—uka lu fa sona se mwa sunda yona yee.

¹³ Cwale, Mu ni swalele kuli Ne ni pumezi, ze ne Ni sweli kubulela mizuzu nyana yefitile, ka za kutaha kwa Tucson. Mi Ne ninahana, na kasibili, kuli neli mafelelezo a bupilo bwaka. Ne ni hupula kuli hakuna yakona kupila kasamulaho wa nyungano ya mufuta wani yene ezahalile kakusasana wani, mwendi ka teni kiloko kwa ndu, yana kona kupila kasamulaho wa fani. Kiñi, Na taha kwa Tucson, ku to lukisa lika ni mwana ke wa mushimani, za musala ka ni—ni bana kuli ba zamaye ni yena ha se Ni ile, kakuli Ne ni hupula kuli neli mafelelezo aka. Mi Na, kwa Phoenix ni buñata bwa mikopano isika ezahala kale, Ne ni mi bulelezi mo ne li ka ezahalela.

¹⁴ Kihande, likweli nyana kuzwa fani, Ne nili kwa Sabino Canyon kakusasana omuñwi, kwani ki kwa mutulo wa Tucson. Ne ni pahami fani inge ni lapela. Mi hane Ni lapela cwalo, Ne ni nanuzi lizoho mwa halimu, nali, “Ndate, Na Ku lapela kuli Wena u ni tuse ka mukwa omuñwi cwalo, ni fe mata, ka nako ye Ni libile cwale. Mi haiba musebezi waka u felile fa lifasi fa, konakuli Ni swanelia kutaha ku Wena. Mi ha ki kuli Ni kaña kutaha, kono Ni ziba kuli Uka ni babalelela lubasi lwa ka. Mi Na—Na ni kupa fela mata ka nako ye.” Mi sesiñwi sa ni wela mwa lizoho!

¹⁵ Cwale, sicaba sa kwa silimba, se sikona kubonahala bunca se Ni bulezí, kono ki niti. Mi Mulimu ki Muatuli waka.

¹⁶ Na talima mwa lizoho laka, mi nekuna ni mukwale, neuna ni sipushu kwa silungo. Mi silungo sona ne si ezizwe ka macwe abenya, mi ne si bonahala fela inge silungo sa gauda kwa maswalelo. Mi haili—haili tipa yona ne i bonahala inge yebenza cwalo, oh, nto yeswana sina senge yebenza cwalo halinata fateni lizazi.

¹⁷ Cwale, neli ka teni kamba ilibene kiloko kakusasana, fahalimwa lilundu. Mwakona kunahana mo mutu (mo Ni ikutwela haiba Ni sweli kunahana hande) mone mu ka ikutwela muyemi fani mi mukwale ki woo kakata ni ko uzwelela, batu bainzi koo limaili ni limaili, kono uipumana usweli zecwalo mwa lizoho. Ne ni u utwile, na uswalala ni ku pukuta kwa neku la tipa kwa mulaho ni kwapata, mi, kupalañi, neli mukwale.

¹⁸ Mi Na talima kwa ni kwa. N ali, “Kiahande, cwale, likona kuezahala cwani ze? Kina yo fa Niyemi fa, hande, ona fa, mi hakuna yaliteni kwanu limaili ni limaili, mi cwale uwzile kai he?” Mi se Nili, “Kihande, Na—Na sepa mwendi ki—ki Mulena ya ni bulelala kuli ki kufela kwa nako yaka.”

Mi Linzwi la bulela la, “Wo ki Mukwale wa Mulena.”

¹⁹ Ki ha Ni hupula kuli, “Kihande, ki mukwale, kanti ki wa . . . hakulata ki wa musole, yalwana ni mikwale,” mwa ziba, mo ne ba eezanga kwa England ni libaka ze shutana. Na hupula kuli, “Wani kona musebezi wa ona, ku lwanisa ka mikwale.” Mi Na nahana nali, “Kihande, mwendi Ni swanelia kubeya mazoho fa sicaba, kamba . . .” Ne ni na ni mikwa kaufela . . . Ngana ya butu yakona kulyangana fela, mwa ziba. Ha mu zibi. Ngana ya luna ya fela; Yena ya hae haifeli. Kacwalo, hane Ni li fani, wa . . . Mi wa ni zwa mwa lizoho mi ne Ni si ka ziba ko kutile, wa to lateha fela. Kiñi, haiba mutu ha utwisisi nyana ka litaba za moyo, wakona—wakona ku takana fela. Ne mu ka yema fani, ni kukomoka ze ezahalile.

²⁰ Mi Yena ali, “Pono ha ki kufela kwa bulumiwa bwa hao. Ki bulumiwa bwa hao. Mukwale wani ki Linzwi. Maswayo a Supa aka kwaluha, likunutu za . . .”

²¹ Mi cwale lisunda zepeli kuzwa fani, kamba likweli zepeli, nitaluse, kuzwa fani, Ne nili fahalimwa lilundu ni sikuwata sa balikani bana zeo ha liezala. Mangeloi a Supile, na bonahala fela hande inge mo mu yemezi fa, ataha inza fufa kuzwa kwa Lihalimu. Macwe mwa malundu apikuluha kuketuha ni kuwela kwa njetumuko ya malundu, mi—mi sicaba inge si yemi kwani sahuwa ni ku kuzwelapili cwalo, mwa ziba, mi maluli inge afefauka kai ni kai. Mi hane kuli cwalo, Abulela ali, “Amukutele kwa mandu amina. Cwale ku kaba, Lingeloi lifi ni lifi likaba le li yemela Maswayo ani a Supile.”

²² Zeo, mane liteni fa tepu. Mi buka ikabe izwile cwanoñu fa, kakuli fa isweli ku lukiswa hande sikuwa sayona. Sina ha mu ziba, sikuwa saka ha ki sesinde hande, mi batu habana ku . . . Mu

lukela fela kuba batu baba ni lata ni ku ni utwisia ka sikuwa saka. Kono muituti yomuñwi waza bulapeli usweli wa ni lukiseza hande sikuwa sayona, ni kuzwisa mwateri ma kuta—kutela... Kihande, mwendi Ne ni bulezzi linzwi le li sa swaneli mwateri. Mane ha ni zibi zateni. Kacwalo, Ne ni utwile mutu ya seha, kacwalo Ni sepa “kulukisa sikuwa” foo ha i si ka luka. Kono sina mutu wa mu Dutch, mu ni nge ka se Ni talusa isiñi se Ni bulela, mwendi.

²³ Mi seli mizuzu yemilalu fela cwale, Ni bulelezzi, kuli lu kwale mukopano.

²⁴ Cwale, mina sicaba sesinde mwa sibaka sa silimba, ni mina baba kula mi mutokwile mo mwahala sicaba, ha mu beye fela mazoho amina cwale ku yomuñwi ni yomuñwi halunze lu ba ni linzwi la tapelo le bakeñisa bakuli. Cwale, Jesu naize, tumo ya Hae ya mafelelezo kwa Keleke, “Lisupo ze li ka ya ni baba lumela.” “Bona,” bona baba lumela! “Ha ba ka beya mazoho abona fa bakuli, ba ka foliswa.”

²⁵ Ndate Yomunde yakwa Lihalimu, lu swana sina banana kacenu, lu utwela So bulezzi kuli lueze. Lubeya mazoho fa likupo ze kaufela za fa mawaile. Wena wa ba bona kwande kwani, mo ba tokwezi, ba nyanda. U bona ni bona babaliteni mo babatokwile, baba nyandile. Mi lu ba beya ku Wena, Mulimu yomunde, ni tumelo ye mwa Linzwi la Hao kuli Wena u ize, “Lisupo ze li ka ya ni baba lumela. Ha ba ka beya mazoho abona fahalimw'a ba ba kula mi bao ba ka foliswa.” Lumeleza cwalo, Mulena, ka Libizo la Jesu Kreste. Amen. [Hakuna manzwi fa tepu—Mu.]

[Muzwale Branham ufeza tukiso yapili yafa silimba—Mu.]



²⁶ Ni itumezi, Muzwale Shakarian. Kaniti ki tohonolo yetuna kukutela hape fa moyo, kuambola ni babañwi ba balikani ba luna mwa sibaka sa silimba, hamoho cwalo ni baba liteni mo.

²⁷ Mi lu fiteleza memo ye ni ku mina, kuli mu yo taha kwa Embassy Hotel kamuso musihali, ku to lapelelwa. Mi isiñi zeo fela, kono mutise ni bona baezalibi ni bona ba ba wile mwa tumelo. Kambe nelukaba fela ni kulapelela bakuli, ni kubona Mulimu aeza limakazo zetuna ka tundamo, kono zeo ki za bubeli. Nto yabutokwa ki kupiliswa, kutazwa ka Moya wa Mulimu, ka ze Ni ka ambola ku mina ka mizuzu fela yelikani fa, ni butokwa bwa kuli lu tazwe ka Moya wa Mulimu.

²⁸ Mi foliso ya Bumulimu kamita ihoa fela batu, ni ku ba tisa Fapila Mulimu. Mi Mulimu haeza sika se—se baziba kuli ha ki sa... kihande, se si sa utwahali. Ha lukoni kubonisa mo si ezahalela. Mulimu u si eza ka nzila ya Hae Anosi fela yetuna. Mi kipeto seo siebelelisa ngana ya sicaba, ka kuziba kuli kuna ni Kubateni kwa Mata amañwi kokuñwi, seo sikona kueza nto yeñwi yeipitezi kufitelela kutwisiso ya mutu, mi seo si ba eziza kutalima ku Ngunyana ya Mulimu. Mi kamita, foliso ya

Bumulimu, Ni bulelezwi, mi Na lumela, na kasibili, zeo mwendi ki sikisite, mwendi, ni sebente pesenti, mwa bulumiwa bwa Mulen'a luna, ne li ama foliso ya Bumulimu. Mi Na ezize cwalo kuli ahohe sicaba. Mi ha ba yo fita kuyena, A li, "Ha mu sa lumeli kuli Ki Na luli, mu ka shwela mwa libi za mia."

²⁹ Cwale, foliso ya Bumulimu ki sisupo sesituna se si hoha, kunga sicaba kuli sitalime ku Mulena Jesu. Mi Dokota F F Bosworth, mane buñata bwa mina mu cwalo, neli mulikani ku, mi ne mu muziba, mi bulumiwa bwa hae ne butalusa nto yetuna luli kuna kakuba mukutazi wa mwanana. Ha ne Ni kala kala fela mwa mikopano yaka, Na kopana ni Muzwale Bosworth. Na bulelanga kuli, "Foliso ya bumulimu," seli taba yetata cwale, na ize, "Foliso ya bumulimu ki bulo kwa kashuto." Ali, "Ha u bonisi tapi kashuto shuto. Mu i bonisa bulo, mi kipeto imatela bulo kanti i yo swasiwa ki kashuto." Kacwalo kona ze lu lika kueza. Zeo kona zaluna . . . luna . . . Zelubata ki kuisa sicaba ku Mulena Jesu Kreste. Mi yena wa swana maabani, kacenu, ni kuyakuile. Kona kuli haiba Nali Mufolisi mwa mazazi afelile, Ki Mufolisi ni kacenu.

³⁰ Ki bupaki bwa mutu fela Ni si ka lapelela kale bakuli ba mwa sibaka sa silimba. Neli fela mazazi a likani afitile, Ne ni inzi mwa malundu ko ne kuezahalezi taba yetuna fapila mizwale baba fiftini kamba mashumi amabeli kwani, koo Lingeloi la Mulena ne li shetumukezi, mi ni Liseli lelituna inge li pikuluha sina licwe lelikangezi kwa lizazi, inge li pancaka mwa malundu, mi macwe inge azengana mwahalimu mafiti alikana mianda yemibeli, kamba kufitelela kulenda, a pumaka likota fahalimu. Mi Ne ni yemi mwatas'a Ona. Mi ni ku ba bulelela zateni likweli zeñwi li si ka ezhala kale, kuli Likaba teni mi li ka ezhala; kaniti, ne li bulezwi zazi lani li si ka fita kale. Mi baana ba kaufela inge bamata mata limota ni lika kaufela, balika kusabela kwahule. Ne ba sa zibi se si ezhahalile. Mi A bulela se ne si ka ezhala kapili kuzwa fani.

³¹ Naina fa licwe leliñwi fani, ona kwani kwa Na bonahalezi, Neni na ni-ni mulikani yanali ni luna, ya na zwelela kwa Minnesota. sicaba sa Hae siteni mo kakusasana cwana mi Ha ni zibi kono hakulata uteni mo kwa sibaka kokuñwi. Ne li Donavon Weerts, ni mulikani yomunde wa mwanana, neli mu Lutheran ya na sa file fela bupilo bwa hae ku Kreste ni kutazwa ka Moya. Mushimani ya ishuwile luli wa mu German, mwendi wa lilimo ze mashumi amalalu a kupepwa, neli lubasi, bana bababeli kamba babalalu. Na tutezi kwa Tucson kuli abe fela tuyaha mabapa ni na, kone ku shimbukile ba ba mianda yemilalu kamba mianda yemine bene babata kuba bomuyaha tuko. Kacwalo kihia . . .

³² Mi Ni tabile hahulu kuba ni bo tuyaha tuko baba cwalo. Ba ni latelela kuzwa koo kwa South Africa, ni kwa libaka zeñwi kaufela, kuli ba be fela bukaufi mi ba bone . . . ni na, ni kuba ni na ni kuikola nyakalalo ya Mulena.

Mutu ya ikokobelize hahulu cwalo, Ne ni si ka mu lemuha kale hahulu.

³³ Kakuli, batu bo Ni ziba ni kufumanehangang ni bona baswana fela inge muzwale waka luli, kezeli. Na ba talima, mi ni kuikutwa kuli haiba Ni nahana kuli bazwa mwa sikuka, ni kuba kutiseza kwa sibaka sesiñwi ni ambole ni bona, kakuli Na ba lata. Lu bata kupila mwa Kanya kamoho. Mi fokuñwi mwendi, mwa mikopano, mu nahana kuli Ni bulelanga ka ku mi omanya. Zeo ha li cwalo. Ha ki kuli ha Ni mi lati, kono li zwelela kwa pilu yaka, kakuli Ni—Ni... I lukela fela kuba ka nzila iliñwi. Kuna ni fela nzila iliñwi ya kusebeleza Mulimu ka yona, mi seo... Mi lu lukela kuina mwa nzila ya Hae, hakuna taba ka mo iinezi minahano ya luna. Nzila ya Hae!

³⁴ Mi Ni boni Donavon, kwa zebe ya hae ya silyo, na luluhile mwendi butuna inge lizebe zetaly, mi ne i bonahala bufubelu maswe. Kihande, cwale ka kunahana cwalo, kwani kwa lihalaupa ka mazazi a likani, kone luinzi kwani, kuli mwendi na tabilwe ki mukakani kwa zebe ya hae. Kono, ha ni yo swala lizoho la hae, Na fumana kuli neli kansa. Kacwalo Na bulelala Donavon, Na li, “Donavon, kikuli ubile... Ubile ni butata bo fa nako yekuma kai kwa zebe?” Kulika fela ku mu buza, inge kuli Ne ni sa zibi. Na li, “Zeo libile nako yetelele yekuma kai foo, Donavon?”

Ki hali, “Muzwale Branham, seli likweli ze silezi,” a bulela.

Na li, “Kiñi ha no si ka ni bulelala zona?”

³⁵ Ki hali, “Oh, ni kubona kuba ya patehile hahulu,” ali, “Ne ni sa lati ku—ku eza cwalo.” Ali, “Ne ni hupula fela kuli zazi leliñwi Mulena uka ku bulelala.”

Kawalo Na li, “Kana wa ziba kuli kinto mañi yeo?”

Ki hali, “Nina ni muhupulo o munde.”

Na li, “Yeo ki niti.”

³⁶ Mi habusa kakusasana, nekusina ze cwalo, ne ni sweli mushimani yani kwa lizoho, habusa bobutatama, ne kusina neba sibali kwa zebe ya hae. Kaufela ne li felile kuiconga.

³⁷ Linako zeñata lwa ikataza, ni kulika kueza *se, sani*. Kamba... Mwabona, kikuli, “Lisupo ze li ka zamaya ni baba lumela.” Ha i si ka bulela kuli “ha ba ka lapelela bakuli.” “Ha ba ka beya mazoho abona fahalimwa bakuli, bao ba ka foliswa!” Lu lukela kuba ni tumelo, luna kasibili, ku se lueza. Ku lukile.

³⁸ Kacwalo cwale Donavon uteni mo mane. Muka mu katana. U kaba mo, haiba hayo mo kakusasana cwana, uteni kwa libaka zeñwi. Mu ka mu katana, mi uka hupula bupaki boo.

³⁹ Mi kiñi hape ze Ni bona kubulela kufita foo? Ni lumela Luka, kamba Joani, iliñwi yazona, ibulezi kuli lifasi halikoni ku... kukwana, kukwana libuka ze ne ka ñolwa ku Za ezize mwahala

sicaba mwa mazazi a mafelelezo aa; bakuli mo ba foliselizwe, bo ndalabangwana kupiliswa, ka likiti kiti zabona, ni matuku a mifuta kaufela ni matata.

⁴⁰ Cwale, mina kwande koo mwa sibaka sa silimba, hamoho cwalo ni moo, Ni na ni likupo mo zeñata nyana mwa lizoho ze tile kwanu ka luwaile kakusasana cwana, batundamezi kulika kukala fo lubezi kwanu. Mi kacwalo luna... Likupo ze mwanda ni nainte-sikisi litile kakusasana cwana, ka luwaile, kuzwa fo lubezi kwanu. Kacwalo ha lu tamahaneñi mwa tapelo cwale sina mañi ni mañi wa luna... Kaufela ko muinzi, kwande koo, mubeye mazoho ku mañi ni mañi, haiba mu balumeli. Haiba ha mu cwalo, amubeye mazoho fa Bibele kamba nto yeñwi kwande koo, halunze lu lapela kwanu ni kafoo.

⁴¹ Ndate Yomunde yakwa Lihalimu, bupaki nyana bwa Donavon Weerts, ki iliñwi fela ze likitikit, Mulena, zona Zo ezize ka muhau... Na lapela kuli U talimefafasi mwa lipilu za sicaba hamoho kwanu ni kwande kwa naha ya silimba. Mi cwale bona, mañi ni mañi, ba foliswe. Ya maswe a basiye, mi ha ba tamululwe kwa mata abona kaufela. Lumeleza cwalo, Ndate. Ka Libizo la Jesu Kreste, Mwana Hao, lwa kupa. Amen.

Ni Itumezi, Mulena... [Hakuna manzwi fa
tepu—Mu.]

[Muzwale Branham ufeza siemba sa bubeli fa moy—a Mu.]

☆ ☆ ☆ ☆ ☆ ☆ ☆

⁴² Kihande, ye ki nako yaka yabulalu inge nili fahalimu fa kakusasana cwana. Mawi! Mi, mwa ziba, ne lu bulelezwi fela kuli lu swanela kuzwa mwa muyaho mo ka mizuzu ye twelufu, foutini, kamba nto yecwalo. Mi bazamaisi baize, ki mañi ya inzi fa bulilo bobuñwi foo, mi upalelwa kufa lico. Lico zaluna li liyehile. Luna ni likalulo zeñata, mwa ziba. Kacwalo lu tabile luli, luli kuli lubile ni tabo tuna ye ya kuhula mwa moy, nyakalalo ya kusinduka, mo Ni kona ku ibizeza, kakusasana cwana ni sikwata sa baana babande se.

⁴³ Ni tabela ku—ku kubulela kuli luna ni... lisebelezo hape, kamuso musihali, kwani kwa Embassy. Cwale, lu ka lapelela bakuli, ni ku kulubela Mulimu ku kopana ni luna. Mi Ni tile ku to beya mwateni kalulo yaka, bulumiwa bwaka, mwa kueza (kaufela ze lukona) mukopano wo kuba okondile hande. Isiñi kukonda kakuli ki mikopano ya luna, kono ki punyuho ya batu baba fumanji Jesu Kreste. Koo kona kukondisa lika. Mikopano kaufela, hakuna taba kamba lu lumbeka cwani Mulimu, buñata bwa lika zetuna ze lu Mubona aeza, buñata bwa linako Ha bulela ku luna ka Moya, ni zeñwi cwalo; haiba kuna ni ze si ka fela, miyo yeñwi yetisizwe mwa Mubuso!

⁴⁴ Mi Muzwale Shakarian u bulezi fela taba—taba ye nde hakalo cwale ka za na hupula ka mazazi ao—ao lupila ku ona. Na luli na lumela cwalo ka pilu yaka, kuli lupila kwa mafelelezo

a nako, ki mwa—mwa miluti fela ya manzibwana. Lizazi se liile luli. Mi ha lubona lika zesweli kuezahala ze mwa mukwa wa kacenu, kiñi, ku tata kubulela lusika loluñwi se lu ka tisa. Mazazi nyana afitile . . .

⁴⁵ Haluboneñi fela ni mife taba nyana yeñwi. Ne ba alungutile mwahala Arizona kaufela, ko Ni pila, mwa likolo kaufela. Ne ba file banana, kusina kuziba, tatubo ya booko. Mi mwa ziba kana? Hamoho cwalo ni likolo zepahami ni—ni likolo za sikuwa, nekuna ni eite pesenti ya banana bene ba katazwa ki kulyanga mwa booko. Sebente pesenti ya bona neli baba tabelia kubuha mazimumwangala. Mwabona, mioya yemaswe, itaha mwahala luna mi halu . . . Mu ka komoka libaka ze li tahelanga. Mwakona kuutwa Linzwi la Mulimu ha li huwa kulwanisa zeo, mi niteni fa lu—lu fumana kuli luswasehile mwateni.

⁴⁶ Haluboneñi ni mife taba ye ka mi komokisa. Mwabona, “Ha ki kaufela babali ku Na, ‘Mulena, Mulena,’ baba ka kena mwateni; kono ki ya eza se si latwa Ki Ndate.” Tato ya hae ki Linzwi la Hae. Lwakona kuba hahulu ba bulapeli, lube ni nako yende, luhuwe, lutulake, mwa mikopano ye, yeo luna ni . . . Ha ni—Ha ni batu kuba ya shutani. Kono Ni na ni—ni musebezi wa kueza ku Mulimu, mi musebezi wo ki kubulela Sa bata kuli ni bulele. Mi Ni—Ni itumezi hahulu kwa sikwata sa ba California baba bazamile nina mwa—mwa buikolwisiso. Ha Ni sa bulezi buikolwisiso bwaka, Ni muipi mi cwale ha Ni ya sepahala ni mina. Mi ha Ni sa koni kusepahala ni mina, Ni ka sepahala cwani ni Mulimu? kakuli Na mibona ni kuambola ku mina. Kakuli, lueza cwalo, ku Mulimu, hape, kono lu swanelia kuba baba sepahala luli ku mañi ni mañi. Ka niti lu mwa—mwa butata, lusika lwa butata. Mi kana mukile mwa yema ni . . .

⁴⁷ Ha luboneni ni mife patitiso nyana fela. “Ha ki kaufela ya li ku Na, ‘Mulena, Mulena,’ ya ka kena mwateni; kono ki yaeza se si latwa Ki Ndate.” Jesu naize, mwa lifasi, “Mutu hana kupila ka buhobe fela, kono ni ka Linzwi kaufela.” Linzwi kaufela! Isiñi fela fa ni fa, Linzwi fela, kono ka Linzwi kaufela.

⁴⁸ Neli Linzwi liliñwi le ne li kakanyizwe, za Mulimu . . . ka za litaelo za Mulimu, zani zatisa lifu, maswabi, ni butuku kaufela ni kukula pilu, ka kulyanganisa Linzwi la Mulimu, Linzwi li liliñwi! Haiba naisize lusika lwa batu mwa lifu, ka ku sa, lumela Linzwi li liliñwi, “kaniti,” kaniti. Kono Na bulezi kuli li ka ezahala. Satani ali, “Kaniti hali konahali.” Kono za ezahala.

⁴⁹ Kacwalo, lu swanelia kubuluka Linzwi la Mulimu kaufela. Mi haiba batu ni manyando a kaufela a na kei mwa lusika lwa batu, ka ku kubondoloka, kamba—kamba ku sa lumela Linzwi li liliñwi, lu ka zamaya cwani inge lusina neba Lililiñwi, haiba li tisize butata bo kaufela, mane neba bupilo bwa Mwan’ a Hae?

. . . babañata ba bizizwe, . . . ki babanyinyani baba ketilwe.

...babañata ba bizizwe,...ki babanyinyani baba ketilwe.

⁵⁰ Hanikoni kunga palo ku ye, kono, kakuli haluna nako, kono ni siyele fela taba iliñwi.

⁵¹ Ha lu nahaneñi kaza... Ne ni ile zazi leliñwi ni Muzwale Shakarian, ko ne ba zwakanisa lipeu za likomu. Mi ne Ni boni kuli—kuli... mwa ndu ya lipatisiso za bupilo mwa na ni kenyize Muzwale Shakarian. Mi ba cimbeka mata a komu ya poho, hanyinyani fela... inge ka sipi kakalikani fela, inge kakota ka menkisi, ni ku ñompola mata a buuna ani, ni ku tu lotisa fa siponi ni ku monyeha fateni ku ahulisa linako ze mianda anda. Mi nekuna ni tukokwani totunyinyani inge tu tulaka tulaka cwalo, mwa mata a buuna ani. Mane, luziba kuli mata a o azwa ku za buuna, mi lii li zwa ku za musali. Mi Na buza mubeleki wa za milyani kwani, Na li, “Kiñi zesweli kutulaka zani cwalo?”

Ki hali, “Zani—zani ki lipoho ni tunamani.” Mwabona?

Mi Na li, “Mwa kaloteli nyana kani?”

Ki hali, “Eehe.”

⁵² Na li, “Mwendi mwa mata a buuna a poho ani neku kaba ma milioni azona?”

Ki hali “Oh, ehe.” Mwabona? Cwale, mutualime ka tokomelo.

⁵³ Cwale, taba tuna ye ha i ezahala, kuna ni lii liliñwi le li libelezi kokwani iliñwi kuzwa mwa ma milioni ani. Mi hakuna neba alimuñwi yakona kubulela kuli ki kokwani ifi, kamba ki lii lifi le li swanela. Haiba mu talima kupepwa kwa nama, ki mukwa wa kunutu kufita ku—kufita kupepwa kwa bwalanjo. Kakuli, mwa mata a buuna aa, kuna ni kalikañwi mwateni kaka lukiselizwe kupila, mi zeñwi kaufela za shwa. Mi ha ki yapili ne kopana ni yona; ki yapili yetaha hamoho ni lii. Mwendi lii lakona kutaha kuzwa kwa mulaho wa mata a buuna, kamba fahali a mata a buuna; kokwani ni yona ikona kueza zeswana, ki lii. Kokwani ikena mwa lii, mi muhata omunyinyan wa pumeha kwateni, mi kipeto moongola wa kala. Kuna ni fela kalikañwi mwani mwa libunda lani, la ma milioni, aka yo lika katata, yeka punya fela ki iliñwi; mi zeo li zibiwa fela ki Mata amañwi asa bonahali, ku mutu. Kono ibo, yeñwi ni yeñwi, yaswana, yeñwi ni yeñwi ya likokwani zani zaswana. Kinto yeswana mwa lifolofolo. Kinto yeswana ni mwa batu. U zibilwe kale haiba ukaba mushimani, musizana, wa milili yefubelu, milili yensu, kamba sikamañi kaufela. Li zibiwa ki Mulimu. Kaufela zona libonahala kuswana, ka nama, kono kuna alimuñwi mwani ya lukiselizwe kwa bupilo; alimuñwi mwahal'a baba lule, ibo kaufela bona ba swana.

⁵⁴ Mi Isilaele ha na zwile mwa Egepita, nekuna ni baba kuma fa tu milioni batu bene ba zwile ka nako yeswana. Mañi ni mañi wabona na utwile liñusa la mupolofita. Mañi ni mañi wabona

naboni Siita sa Mulilo. Mañi ni mañi wabona na kolobelizwe ku Mushe, mwa Liwate le Lifubelu. Mañi ni mañi wa bona na huwezi mwa—mwa Moya, kunata tumbuli ni kumata mata fa likamba, ni Miriamé, fani Mushe inge a opelela mwa Moya. Bona, mañi ni mañi, na nwile kwa Licwe leliswana. Bona, mañi ni mañi, ne bacile Manna yenca busihu busihu. Mañi ni mañi wa bona! Kono nekuna ni bababeli be ne bailo punya mwa naha, alimuñwi kuzwa mwahala baba lule.

⁵⁵ Tatubo neli yecwani? Kaufela bona ne ba nwile kwa Licwe leliswana, kaufela bona ne ba cile kwa Manna ya moyo yeswana sina mo lu sweli kucela kakusasana cwana, kono tatubo ya Linzwi ya ba patulula. Ha i yo fita fa nako ya Kadeshi-barnea, ha ba kala kukena mwa naha ya sepiso, mi ne ba si ka silela mwabuse konji pili ha ba tataubibi ka Linzwi. Mi kaufela bona—bona baba lishumi babañwi ba yo kuta, mi bali, “Halukoni ku hapa! Sicaba siswana inge... Luna luswana inge limbimba, ku bona, munzi tuna wa mamota amatuna. Ze lwanisa ki zetuna hahuu.”

⁵⁶ Kono Joshua ni Kalebu ba kuzisa sicaba. Ba li, “Luna ni bundume mane lwakona ni kufita!” Kiñi? Mulimu naize, ba si ka funduka kale, naha ya sepiso, “Ni mi file yona kale. Ni mi file yona kale. Ki ya mina.” Kono nekuna ni alimuñwi mwahala baba lule.

⁵⁷ Kuna ni mwendi baba kuma fa faifi-handeleti milioni baba bizwa Bakreste mwa lifasi kacenu, mi zazi ni zazi lifeza lusika. Mi cwale, kucwani he haiba Kuungelwa kutaha kacenu mi batu baba mianda yeketalizoho, lifasi loote, baba kona kushimbiwa mwa Kuungelwa? Hamuna kuziba kamba neba kubona mwa mutende, za bona ha ba ya cwalo. Mi Kutaha kwa Mulena ki Kutaha kwa kunutu. U kataha a mu pamule aikele. Ikaba baba likani fela, kufitela...

⁵⁸ Kuswana fela sina mo ne kuinezi mwa mazazi a balutiwa ha ba buza Jesu, “Ki kabakalañi Bañoli ha ba bulela kuli—kuli Elia u swanezi kutaha pili?”

Ki hali, “U tile kale, kono ha mu si ka mu ziba.”

⁵⁹ Kana mwa ziba ze bakile baeza batu? Ne bazwezipili kulumela kuli Mala—...yena Mal—...Elia yani na swanela kutaha. Mi kanti nali mwahala bona, kono ne ba sa zibi.

⁶⁰ Kona mo ku ka bela fa kutaha kwa Mwana mutu! Ba ka Mueza fela nto yeswana. Moya wa Mulimu uteni moo. Kihande, lu ka eza sikamañi ni Ona? Kana lu ka ca Manna, ni zeñwi cwalo, kono lupalelwé ku kambama halunze luhula?

⁶¹ Kikuli mu lemuhile peu, sina Revurendi Pitts ha na bulela nako nyana yefitile, ni mo peu ikenelanga mwa mubu? Lipeu zeñata liteni mwa mubu mwani. Mulimu ha na zamaya fa mezi, ni Liseli, mi Liseli la i melisa, Pata ya Mulimu yapili, Liseli le li bulezwi la taha ka Linzwi la Mulimu. Mi Linzwi la Mulimu kona

nto fela inosi ye sa tisa Liseli. Mi cwale mezi ha yo kuta, peu neili kale mwa mubu, mi Liseli la melisa fela lipeu ze ne nani bupilo ku zona, kona zene melile. Mulimu inza eza pupo ya Hae.

⁶² Mi cwale, la Paseka kakusasana nekuna ni Liseli leliñwi le li to monyeha mwa lifasi, fani Moya o Kenile ha u fiwa. Mi U filwe kutisa Liseli ku Lipeu zani zeo Mulimu, ka zibo ya Hae ya makalelo, na zibile kale kuli likaba fa lifasi fa. Sina mwa Na zibezi peu yapili ya nama, U ziba ni ko kuinzi Peu ya moya. Mubili wa hao no lobezi mwa liluli mo, Mulimu nako ya eza lifasi. Lu siemba sa lifasi. Ne lu lobezi ona mwani. Mi ka zibo ya Hae ya makalelo Aziba handende ya na ka Mu lata ni ku Mu sebeleza, ni ya na sike amusebeleza. Zibo ya hae ibonisa ona cwalo. Haisa bonisi cwalo, kipeto Ha ki Mulimu. Hakoni kuba Mulimu kusina kuba ya sa feli. Mi haiba Afeli, U ziba lika kamukana.

⁶³ Kacwalo, mwabona batu ha baeza mafosisa. Ba sitatala ku zona. Ba matela ku zona, ni kunahana *se* ni *sani*, kono ha li beleki hande, lwa libona. Kono kuna ni tukelo ya kubeleka, foo ki kufumana tato yepetehile ya Mulimu inge iyemi kuzona, za mi bizeлизе Mulimu.

⁶⁴ Sina Muzwale Jack ubulezi linako nyana zefitile fa kaza—kaza Pershing Square, kulyangana kaufela. Alimuñwi neku *le*, mi yomuñwi neku *lani*; mi ka za baituti ba za bulapeli, ni zeñwi cwalo, kuli mubata kuziba zeñwi za bulapeli, muzwele teni kwani.

⁶⁵ Na sepa zeo liswana fela inge mo liinezi kwa Hyde Park mwa London. Nenili kwani, mañi ni mañi unani muhupulo wa hae. Ki—ki tamahano ya muezezo wa lizazi le mwa Babilona.

⁶⁶ Kono kana mwa ziba sina—sina Muzwale Pitts ha na zwelapili ni liñusa la hae lelinde kakusasana wo ku luna? Ha na kala kuzamaya kuzwa mwa sibaka sa kubulukela mota, afumana palisa nyana ya Paseka. “Mwahala kulyanga kaufela,” sina mwa na lu tiseza zona, “ne i sa koni kubulela ‘ee’ kamba ‘awa.’ Ne li bupilo bwa Mulimu bo ne bu monyeha kuyona, mwahala kulyangana kaufela.” Ne lili kwani mwa lumonyi lwa lona, kakuli Mulimu kiyena ya na li lukisize kuba teni. Mwahala kulyanga kwa kaufela, hakuna ya na li zibile. Ne ba si ka bona buino bwa zona bwa moya.

⁶⁷ Mi kona mo kuinezi ni kacenu mwahala likwaza za mikopano yaluna yemituna, ni likeleke ni likopano, ni zeñwi cwalo. Yo u hohela neku *le*, “Lu swanelia kuba ba Baptists, kamba kuba ba Presbyterian, luswanelia kuba *se*, *sani*, kamba *sesiñwi*.” Mwahali a zeo kaufela, kuna ni palisa yeswelii kuhula. Kuna ni mata a Mulimu mwahala luna, kakuli a hulezi mwahala luna. Ha lu tuheleni fela lu italime, fa nako nyana, ni ku italima sunda ye, ni kuibona ha i putuluha fapila luna. Lu lumela kuli Mulimu uka li eza. Nji cwani? [Kopano ili, “Amen.”—Mu.]

⁶⁸ Ni bona kuli lu lukela kuba fa ndu yafafasi cwale. Kacwalo ha lu lapeleñi, mañi ni mañi wa luna.

⁶⁹ Mulimu Yomunde, ha lu inamisa litoho zaluna fa Pila Hao, lu ikutwa kuli kutaelwa ku kupa. Kono U lusepisize kuli, ha lu taha, Hauna ku lu fulalela. Mi litaba ze buhali ze bulezwi fe, hakuna mukwa kono ki yona tuto, “alimuñwi kubaba lule,” kono ki kuhupula fela. Kakuli U ize:

*...munyako wa kumbana, ni nzila ki yesisan, ye isa
kwa bupilo, mi ki babanyinyani fela baba i fumana.*

*Kakuli babañata ba bizizwe, kono ki babanyinyani
baba ketilwe.*

⁷⁰ O Ndate wa Kamita, luma Liseli la Evangelii mwa muleneñi wo, ka sunda yetaha ye ya mukopano. Mi haiba kuna ni Peu kaufela, hakulata ka butali bwa Hao Tota bo butuna, bo butisizwe, inge kulika kulibonisa mwa mata a buuna bwa muuna ni musali, ha ba kenelele mwa mukopano. Mi cwale Moya o Kenile u ba fe Liseli. Lu lemuha kuli nako hakulata se i felile kufita mo lu nahanelia. Lwa lapela, Mulimu, kuli ha nze lutaha kwanu, lu lumela kuli mwendi kuna ni sesiñwi mo se si kona kuezahala se si ka tusa sicaba, kamba—kamba kuswala ngu ya mafelelezo yani. Lwa ziba, mulaka wa lingu ha se utezi, kipeto Mulisana u ka kwala sikwalo.

⁷¹ Sina mo ne kuinezi mwa mazazi a Nuwe, fani wa mafelelezo mwa lubasi ha to kena, Mulimu a kwala sikwalo. Mi na nataka ni kungongota, kono nako ne se i felile kale. Mulimu Yomunde, kiyena ya na sweli kolo cwale.

No ize, “Ki na Munyako wa kwa mulaka wa lingu.”

⁷² Mi ha ki tabo ni yeo ya pina ye zwile ku muloki, “Hanili ze nainte naini ki zeñata ku Wena? Kono, awa, neku sa na ni iliñwi hape.” Yakona kuba ngu nyana yensu, kamba ikona kuba mutu yasina libubo, ukona kuba musali kamba muuna yomusisan. Ha luzibi ko li inzi, kono yani ya mafelelezo iswanezi kutaha ikene kona sikwalo si ka kwaliva. O Mulimu, Wena yaziba lika kaufela, tatuba bupilo bwaluna kakusasana cwana. Mi u lu lume kaufela ko lukona kuya, kuli lukone kufumana ya mafelelezo yani, kuli sikwalo si kwalive mi Mulisana uinzi mwahali ni lingu. Lumeleza cwalo, Mulena. Haiba kuna ni yeo mo kacenu, haiba yona yani ye lukela kutaha mwahali . . .

⁷³ “Kaufela ba Ni file Ndate ba ka taha ku Na. Mi hakuna mutu yakona kutaha, konji Ndate Amubize.”

⁷⁴ Mi haiba kuna ni nyungano, kamba maikuto alikani, kuli ye ibe yona nako ya mutu yaliteni mwa muyaho moo, fa kamba muzuzu wa fafasi, kamba kaufela ko akona kuba, ha alabe, “Ee, Mulena, Ki na yenyinyani yani yesweli kuyembama; ye ne nze i Li Iwanisa, mwa bupilo bwaka kaufela. Ni—Ni—Ni utwile kuli Ni swanela kutaha, kono haili kacenu Ni wezi kwa neku

la kukomiwa. Ha ni sa kona kukambama kamba kushetumuka. Hanisa kona kuya hape." Oh, ha kutahé yena Mulisana yomutuna cwale, a otolole mazoho a bunolo ni kukenya mwateni iliñwi yani hande, u i beya fa maheta a Hae ni ku ikutisa mwa kozo.

⁷⁵ Mwendi kuna ni alimuñwi mwahali mo, Mulena, ya kula, mwa buino bo buswana, bo bu bulezwi ki dokota kuli, "Hakuna ze kona kuezahala." Na likile katata ku ipilisa, kono apalelwa ku i lamulela. Ikwahule hakoni kufita kwateni. Hakuna—hakuna za kona kueza. Mulyani wa hae kamba tipa ya hae halikoni kueza cwalo. Kono, O Mulena, hakuna taba yetuna yepala kwa lizoho la Hao lelituna, mi Linzwi la Hao kona lizoho la Hao. Kacwalo lwa lapela, Mulimu Yomunde, kuli, kakusasana cwana, halusweli ku ambola ku Wena, kuli Wena utahe fafasi mi u nge babakula mi baba sa koni kuitusa ili bona, mwa litaba za buino bwa sayansi, kuzwa ku dokota, ha ba foliswe. Lumeleza cwalo, Mulena.

⁷⁶ Hanze lu nahana ka za Davida, sina mwa na fezwi musebezi wa kubabalela lingu ze likani, ze likani fela. Kono zazi leliñwi bere ya taha ku to swala iliñwi ya lingu ni kumata ni yona, mi ne se ibata kuica (inge kansa mo ikona kucela mubili), kamba tau yetuna. Kono Davida, na sina mane zeswana sina—sina tobolo, kamba, mane ne si muuna wa mukwale, kono nana ni fela kafwililo, a mata mwa mulaho wa ngu yani. Mi ha yo fumana fo—fo folofolo yene bata kubulaya ngunyana yani, aibulaya ka kafwililo. Ki kanto kakalikani fela ni sipapa kwateni sa mukata ni malegeni, mi, kanti nana ni sepo ku kona.

⁷⁷ Haluna licaziba zetuna mwahala luna, Mulena. Lu batu baba bunolo ni tapelo nyana fela yebunolo, kono lutaha kakusasana cwana kumatisa ngunyana ya Ndate yani. Musali ya zamaile mwa mikwakwa yani, inza inyandela, kuzuba makwai, ulika kufumana kozo mwa kwai; muuna yani ya nunkelezi mukope ni kulika ku utoma fafasi, kono sila si mu ñomezi maswe maswe; mushimani yani kamba musizana yalikile kueza hande, ya sa koni fela kufumana mata a kuzwa kwa lika zemaswe; lu taha ka Libizo la Mulena Jesu, ku to nga ngu yeo kakusasana cwana. Lu hanyeza sila; kakuli ki nto yebunolo, ki kafwililo, ki tapelo, lutaha ka kukutisa yeo mwa mulaka wa Ndate, kuli lukone kufa buikalabelo bwa lika ze beilwe mwa mazoho aluna. Mi mata a Mulimu cwale anate tumelo, kukena mwa lipilu za sicaba, mi cwale moyo o latehile wani ukute kakusasana cwana. Mi milimo ya bupilo bo i mu kasheze kwahule, ha zamaye. Mi cwale ha ipumane mwa buiketo fa maheta a Moluti, inza shimbilwe kuisiwa kwa buiketo hape. Lwa li kupa ka Libizo la Jesu. Amen.

⁷⁸ Mulimu a mi fuyole kaufela. Kufitela Ni mi bona kamuso, Ni ka sikululela sebelezo ku Muzwale Shakarian. [Hakuna manzwi fa tepu—Mu.]

[Muzwale Branham ufeza kalulo ya hae ya bulalu—Mu.]



⁷⁹ Se, Ni—Ni sepa kuli muka...kuli Ni fumani sishemo sesituna mwa meto a Mulimu ni fapila mina, ka kulumela kuli Ni ka yema fa ni ku mi bulelela nto ye fosahalile. Ni fitelezi kupuzo ya kupepwa kwaka ya bu fifite-sikisi, zazi leliñwi. Le ha ki Liñusa fela la muuna muhulu. Ni lumezi litaba ze kuzwa Ni sa li fela mushimani. Mi haiba ye ha ki niti, Ni bile mutu wa sikuba hahulu yo Mulimu anani fa lifasi. Ni file bupilo bwaka kaufela kwa Musebezi woo. Mi Ni bulele cwana ka busepahali: kambe Ni na ni mioyo yekuma fa likiti ze lishumi, Ne ni si ke na cinca muhupulo waka.

⁸⁰ Cwale, foliso i inzi bukaufi ni mutu kaufela. Muhupule, foliso i nzi ku wena. Mulimu ubeile mwa kota kaufela ya tolwana ya pichi tolwana yekona kuba kuyona, Ha i cala mwa Simu. Mwabona, mukaba fela...kota ya pichi kamba kota ya apule, kamba kota ya litolwana zeciwa, ina ni kuhula fela, ka kunwa mezi a mwa mubu. Cwale mañi ni mañi wa mina una ni mata ao ku yena, kuli aku tamulule, kakuli ki Mulimu, haibile mu calilwe ku Kreste ka kolobezo (isiñi ka kolobezo ya mezi), kolobezo ya moyo. Ha mutahi ku Kreste ka kolobezo ya mezi. Ki ka kolobezo ya moyo!

⁸¹ Kamuso musihali, Mulena ha lata, Ni ka ambola ka za, *swanelo* ni *mo* Li ezezwa hande. Lu kaba ni yona musihali kona kuli haina ku lyanganisa neba iliñwi ya lisebelezo za mina.

⁸² Cwale mutualime, mañi ni mañi wa mina mo uyemi sina balumeli, mwabona, kipeto Bupilo bone buli ku Kreste bu ku wena. Bwa kona, kambe wakona fela ku bu bona!

⁸³ Ki musebezi wa diabulosi wa ku kupaleliswa ku Zeo, kuku foufaza. Wakona ku ku eza fela bubofu, zeo kikuli, mwabona, ha u zibi ko uya cwale. Mutu wa sibofu hakoni kubulela kwa sweli kuya, una ni bata kutwisiso ku mutu usili yakona kubona. Kufitela lu utwisia, ku lukela kuba mutu ya lu bulelela sesili Niti.

⁸⁴ Mi Kreste na mi shwezi, mi mu shimbuluzwi kuzwa mwa lifasi kukena ku Kreste. Mi lika kaufela ze mutokwile liteni kale ku mina, ka kolobezo ya Moya o Kenile. Nji cwani kana? Cwale taba fela ye mu lukela kueza ki kukala kunwa ku Yona.

⁸⁵ Mi sina kota hanze inwa, ikala kukasha matali ayona kwande, ki lituhela, kona le li kasha muselo wayona mwaha ni mwaha. Muselo ha u yo mwa mubu; muselo u mwa sicalo. Ki ba bakai baba utwisia seo, muli "amen." [Kopano ili, "Amen."—Mu.] Kacwalo, mwabona, muselo u mwa sicalo, mi sicalo kaufela si na ni kunwa kwa liweluwelu la sona. Pula hanze inela cwalo, ifa simela sani, bupilo, kuli sinwe kuyona. Mi, hanze inwa cwalo, ya hula.

⁸⁶ Mi isweli kuhula kufitela iba ngo yetezi, inge fela Keleke mo ibezi, kuli ibonahale mwa lusika loo.

⁸⁷ Mi, hanze lunwa, lwa hula. Kono haiba simela sihana kunwa, kipeto simela seo hasikoni kuhula. Mi kambe ukona fela ku li lumela cwale, wena unosi!

⁸⁸ Kakuli, mwa ziba Mulena mwa evezanga lika, kubonisa lika zeshutana, ka so ezize ni so sa lukeli kueza, ni zeñwi cwalo, mwa mukopano. Ne lu sepa kuli Moya o Kenile u ka lu wela kakusasana cwana ni kueza zecwalo, inge lu sa yemi. Kono Ne ni sweli kulibeleta.

⁸⁹ Ni sepa kuli ki kalulo ye kaleliswa, kunahana kuli bafafasi ba bata kuli luzwe mo, mwabona. Kono ba lu bata; lu se lu liyehile cwale.

⁹⁰ Kono mulumele se, ka lipilu zamina kaufela. Shangwe amulumele. Haiba Ni—Ni fumani sishemo mwa meto a mina, kakuba mutu yana ni niti, mulumele taba yee. Cwale amu beye mazoho amina ku—ku mañi ni mañi.

⁹¹ Cwale amutalime, cwale, Bibele ha i si ka bulela kuli, “Lisupo ze li ka latelela William Branham.” Ne i si ka bulela kuli, “Li ka latelela Oral Roberts fela.” Ne i si ka bulela li ka latelela “Muzwale Kopp” kamba “usili.”

⁹² “Lisupo ze li ka ba latelela,” kiba bañata, “baba lumela. Ha ba ka beya mazoho abona fahalimwa bakuli, bao ba ka foliswa.” Ki ona mata a Mulimu ani ali ku mina, kona atisa Bupilo ku mutu yo ubeile lizoho, ko ku zwelela Bupilo bwa Moya o Kenile.

⁹³ Mulimu Yomunde, ka Libizo la Jesu Kreste, mwa nako yetata ye foo keleke . . . ha ba yeme cwale ka kolo ye, kusina kuikalelwa, mi cwale ona Mata ana zusize Kreste mwa libita, afe mata kubona ona fa cwale yona Niti ya Evangelii, yeneli yona tumo ya Jesu, ha ba ka “beya mazoho ku ba bakula, bao ba ka foliswa.” Mi cwale mata a madimona kaufela, matuku kaufela, makulano kaufela, maziyezi kaufela, sika kaufela se si nyandisa se si ezahalile kwa sicaba, ha si zwe ona fa cwana ka tumelo. Sina sicaba se si lumela, lu kupa ka Libizo la Jesu Kreste. Amen.

⁹⁴ Cwale amu nanule mazoho amina ni ku Mu fa milumbeko, haiba mu lumela kuli Uka li eza.

⁹⁵ Mulimu Yomunde, mbututu yo uka shwa, Mulena, haiba se si sa ezahali. Ni kalimela linungo le, ka Libizo la Jesu Kreste. Ha li siye mwana yasina mulatu yoo. Amen.

Cwale, madokota ba likile, mi bapalezwi. Mu lumele feela.



ALIMUÑWI MWAHAL'A BABA LULE LOZ65-0424
(One In A Million)

Liñusa le ka Muzwale William Marrion Branham, neli katalizwe lwa pili mwa Sikuwa la Pelekelo kakusasana, Lungu 24, 1965, mwa mukushuko wa ba Full Gospel Business Men's Fellowship International kwa Clifton's Cafeteria mwa Los Angeles, California, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org